

SAMÞYKKT

um hundahald í Bláskógabyggð.

1. gr.

Hundahald.

Hundahald er bannað í lögsagnarumdæmi Bláskógabyggðar. Sveitarstjórn Bláskógabyggðar er heimilt að veita einstaklingum búsettum í Bláskógabyggð undanþágu til hundahalds að uppfylltum skilyrðum í samþykkt þessari. Óheimilt er að veita undanþágu til hundahalds í sambýlis- eða fjölbýlishúsi, nema ákvæði 41. gr. laga nr. 26/1994 um fjöleignarhús sé uppfyllt.

Víkja má frá fyrirmælum samþykktar þessarar sem banna eða takmarka umferð og dvöl hunda um tiltekna staði þegar um er að ræða hunda sem notaðir eru til löggæslu- eða björgunarstarfa eða sem leiðsöguhundur sjónskertra.

2. gr.

Undanþága.

Einstaklingur sem fær undanþágu til hundahalds skal eiga lögheimili í sveitarfélaginu, vera að lágmarki 18 ára að aldri og sjálfs síns ráðandi.

Undanþága til hundahalds er bundin nafni og lögheimili einstaklings og einskorðast við tilgreindan hund. Undanþágan er ekki framseljanleg.

Undanþága til hundahalds er háð eftirfarandi skilyrðum:

1. Að hundurinn gangi aldrei laus á almannaferi innan skipulagðs þéttbýlis eða í samþykktum frístundabyggðum, heldur sé í fylgd með einhverjum sem hefur fullt vald yfir honum.
2. Að hundurinn fari ekki inn í skólahús, opinberar byggingar, matvöruverslanir eða aðra þá staði sem taldir eru upp í fylgiskjali 3 við reglugerð nr. 941/2002 um hollustuhætti. Heimilt er þó að hleypa hjálparhundum inn á viðkomandi staði.
3. Að umráðamaður hunds hreinsi tryggilega og án tafar upp saur sem hundurinn skilur eftir sig á almannaferi í skipulögðu þéttbýli eða samþykktum frístundabyggðum.
4. Að hundurinn raski ekki ró íbúa sveitarfélagsins og sé hvorki þeim né þeim sem um sveitarfélagið fara til óþæginda, með tilliti til hávaða, óþrifnaðar, eyðileggingar verðmæta, slysaðra eða ógnunar.
5. Að hundurinn sé ábyrgðartryggður gagnvart tjóni sem hann kann að valda mönnum, dýrum og munum.
6. Að hundurinn sé ormahreinsaður.
7. Að meðferð hundsins sé í samræmi við reglugerð nr. 1077/2004 um aðbúnað og umhirðu gæludýra og dýrahald í atvinnuskyni.

Sveitarstjórn er heimilt hvenær sem er að afturkalla undanþágu einstaks hunds eða allar undanþágur, telji hún það nauðsynlegt í þágu hollustuhátta og öryggismarkmiða.

Fái einstaklingur undanþágu til hundahalds fær hann afhenta plötu með leyfisnúmeri sveitarfélagsins. Skal hundurinn alltaf bera plötuna ásamt upplýsingum um símanúmer eiganda.

Niðurfelling undanþágu til hundahalds skal tilkynnt ábyrgðaraðila bréflaga. Skulu honum gefnir sjö dagar til að andmæla niðurfellingunni skriflega. Að öðru leyti fer ákvarðanatáka um niðurfellingu undanþágunnar samkvæmt málsmeðferðarreglum stjórnarsýslulaga nr. 37/1993.

Hvolpar undir þriggja mánaða aldri eru undanþegnir banni um hundahald.

Skylt er að tilkynna alla hunda sem dvelja í sveitarfélaginu til skamms tíma og eru skráðir hjá öðru sveitarfélagi. Ef hundur dvelur lengur en 30 daga á 12 mánaða tímabili er skylt að sækja um undanþágu, sbr. 3. gr.

3. gr.

Umsókn.

Umsókn um undanþágu til hundahalds fer þannig fram:

1. Umsókn, ásamt fylgigögnum, skal berast skrifstofu sveitarfélagsins á þar til gerðu umsóknareyðublaði.

2. Í umsókninni skal koma fram nafn ábyrgðaraðila, kennitala, lögheimilisfang, símanúmer, nafn, tegund og aldur hunds og ástæður umsóknarinnar. Fylgigögn skulu vera sjálfræðisvottorð ábyrgðaraðila, staðfesting dýralæknis á ormahreinsun hundsins og mynd af honum á rafrænu formi.

Tilkynning um tímabundna dvöl hunda í sveitarfélaginu, sbr. 2. gr., skal berast eigi síðar en fyrsta virka dag sem hundinum er ætlað að dvelja í sveitarfélaginu. Tilkynningin skal innihalda nafn ábyrgðaraðila, kennitölu, lögheimilisfang, símanúmer, nafn, tegund og aldur hunds, varanlegt merki og í hvaða sveitarfélagi hundurinn er skráður.

Ábyrgðaraðila hunds sem dvelur tímabundið í sveitarfélaginu er skylt að fara eftir ákvæðum samþykktar þessarar. Úrræði sveitarfélagsins eru þau sömu við tímabundna dvöl hunda og þeirra sem eru með undanþágu samkvæmt samþykkt þessari.

4. gr.

Handsömun o.fl.

Ef hundur telst hættulegur getur eftirlitsaðili, tjónþoli eða forráðamaður hans krafist þess að hundurinn verði aflífaður og er þá skylt að verða við þeirri kröfu, enda hafi verið leitað álits sérfróðra aðila, s.s. dýralæknis eða hundabjálfa, sem viðurkenndir eru af Heilbrigðiseftirliti Suðurlands, áður en ákvörðun um aflifun er tekin. Um aflifun hunda fer skv. 8. gr. reglugerðar nr. 1077/2004 um aðbúnað og umhirðu gæludýra og dýrahald í atvinnuskyni.

Hundur í Bláskógabyggð sem undanþága hefur ekki verið veitt fyrir samkvæmt samþykkt þessari skal handsamaður af hundaeftirlitsmanni Bláskógabyggðar og færður í viðeigandi geymslu. Handsömun hundsins skal auglýst á heimasíðu Bláskógabyggðar og verði hans ekki vitjað innan sjö sólarhringa skal hann aflífaður.

Hundur sem undanþága hefur verið veitt fyrir og sem handsamaður er af hundaeftirlitsmanni skal færður í viðeigandi geymslu. Handsömun hundsins skal auglýst á heimasíðu Bláskógabyggðar. Jafnframt skal ábyrgðaraðila hundsins tilkynnt um handsömunina eins fljótt og auðið er og hefur hann þá allt að sjö daga til að bregðast við henni. Sé hundsins ekki vitjað innan þess tíma skal hann aflífaður.

Allur kostnaður vegna hundsins greiðist af eiganda. Komi eigandi hunds síðar í ljós er heimilt að krefja hann um greiðslu kostnaðar.

5. gr.

Gjaldtaka.

Hundaeigendur skulu árlega greiða sveitarsjóði gjald til að standa straum af skráningu og eftirliti með hundahaldi. Sá sem á fleiri en einn hund skal greiða gjald af hverjum hundi fyrir sig. Gjaldið skal ákveðið í gjaldskrá sem sveitarstjórn setur að fenginni umsögn heilbrigðisnefndar skv. ákvæðum 25. gr. laga nr. 7/1998 um hollustuhætti og mengunarvarnir. Gjöld mega aldrei vera hærrí en sem nemur rökstuddum kostnaði við veitta þjónustu eða framkvæmd eftirlits með einstökum þáttum. Sveitarstjórn lætur birta gjaldskrá í B-deild Stjórnartíðinda.

Í gjaldskránni skal tilgreind gjaldtaka vegna eftirtalinna liða:

1. Gjald vegna kostnaðar við veitta undanþágu.
2. Gjald vegna kostnaðar við brot á undanþágu.

Í gjaldskrá skal einnig ákveðið handsömunar-, geymslu- og aflifunargjald.

6. gr.

Framkvæmd.

Eftirlitsaðili fyrir hönd sveitarstjórnar er þjónustumiðstöð Bláskógabyggðar og sjá starfsmenn hennar um framkvæmd og eftirlit með samþykkt þessari í umboði og undir eftirliti heilbrigðisnefndar Suðurlands. Starfsmenn þjónustumiðstöðvar geta leitað aðstoðar lögreglu og/eða dýralæknis við framkvæmd starfa sinna ef hundur er að mati þeirra hættulegur umhverfi sínu og/eða umráðamaður hundsins tálmar framkvæmd samþykktar þessarar og almannahagsmunir og/eða heilbrigðis-sjónarmið valda því að nauðsynlegt er að leita aðstoðar við að fjarlægja hund.

7. gr.

Þvingunarúrræði og viðurlög.

Um valdsvið, þvingunarúrræði og málsmeðferð fer samkvæmt VI. og VII. kafla laga nr. 7/1998 um hollustuhætti og mengunarvarnir. Ef eigandi eða umráðamaður hunds vanrækir skyldur sínar eða brýtur ítrekað gegn ákvæðum samþykktar þessarar eða öðrum reglum sem gilda um hundahald getur sveitarstjórn bannað viðkomandi að halda hund og látið fjarlægja hundinn.

Brot gegn samþykkt þessari varðar sektum rúmist þau jafnframt innan refsíákvæða hlutað-eigandi laga, nema þyngri refsing liggji við samkvæmt öðrum lögum. Skulu þau brot sæta þeirri málsmeðferð sem boðin er í lögum nr. 88/2008 um meðferð sakamála.

8. gr.

Gildistaka.

Framangreind samþykkt sveitarstjórnar Bláskógabyggðar staðfestist hér með samkvæmt 25. gr. laga nr. 7/1998, um hollustuhætti og mengunarvarnir til að öðlast gildi við birtingu. Frá sama tíma fellur úr gildi samþykkt nr. 734/2007 um hundahald í Bláskógabyggð.

Umhverfisstjórnuneytinu, 18. október 2010.

F. h. r.

Steinunn Fjóra Sigurðardóttir.

Sigurbjörg Sæmundsdóttir.